



Qasigianniguit 12. september 2010

Inatsisartut suleriaasianni § 36 imm. 1 naapertorlugu matumuuna Naalackersuisunut apeqquteqarpunga, ima ittumik:

Qaasuitsup Kommunia kommunit marlungorlugu avinneqarnissaa Naalackersuisunit pilersaarutigivaat?

(Inatsisartunut ilaasortaqa Kristian Jeremiassen, Siumut)

Tunnqavilersuut:

Kommunit kattussuutereernerisa kingorna Qaasuitsup kommuninngortumi innuttaasut oqartussaaqataanerat „Demokrati“ annikilleriarsimasooq malunnarpoq.

Taamaalilluni politikerit innuttaasunut isummanik saqqummiussisarnerat annikilleriarsimalluni, taamatullu aamma innuttaasut politikerinut saqqummiussisarnerat annikilleriarsimalluni.

Aaqqissuussaanerup allannortinniarnanarut pissutsit pitsaanerulernissaanik kissaateqarneq qitiulluinnarsimavoq tamannali maannakkut Qaasuitsup Kommuniani killormuinnaq ingerlavoq nunaqarfinni illoqarfinnilu pissutsit ajorseriarlutik, Naalackersuisut ukiuni kingullerni tulleriinnilu aningaasaqarnikkut inatsisitigut sipaarniarnerat pequtaalluni ilaatigut makkua malugineqarsinnaapput:

1. Sipaarniarneq piffinni assigiinngitsuni siornatigut annertuumik malugineqarpiarneq ajortoq malunnaatilimmik atuutilersimavoq.
2. Innuttaasut oqartussaaqataanerat annikillisimavoq naak tamanna kattussuunnermi kissaatigineqanngikkaluortoq.
3. Meeqqat atuarfiani atuortut vikareqaqqusaajunnaarlutik allaat siunniunneqartalersimavoq.
4. Meeqqat sammisasaqartinneqarnerat annikilliartorpoq.
5. Kommunip karsiani 5 % aningaasat uninngatinneqartartussat naammatsikkuminaatsinneqarput.
6. Kommune 53 Mio. Kr.-inik Namminersorlutik Oqartussanik aningaasanik atukkerneqartariaqarsimavoq.
7. Aningaasaliissutinik akuerineqarsimanngitsunik aningaasanik atuineq ingerlanneqarpoq naak inatsisitigut tamanna ajornaraluortoq – Tamatuma takutippaa aningaasatigut aamma ingerlatsineq ajornartorsiutigineqartoq.
8. Suliffissaaleqineq malunnaatilimmik annertusiartorpoq.
9. Inuiaqatigiit sullinneqarnerat appariartorpoq sukkasuumik.
10. Suliffissaaleqinerup annertusiartornera pissutigalugu innuttaasut akiligassaat annertusiartuinnarput malunnaatilimmik.
11. Inuiaqatigiit atugaat pitsanngoriartunngillat innuttaasulli atugaat ajorsigaluttuinnarput

Pissutsit pitsanngoriartortinneqarnissaanut sulineq annertoq ilungersunartorlu aqquasaagassaraarput, kommunerujussuullu ataatsimut sullissivittut ataqatigiissinnissaanut

atortorissaarutit pitsaagaluarlutik tikilluni imminut saalluni ataatsimiittarnissaq pinngitsoorneqarsinnaanngilaq.

Aamma oqaatigissavara kattussuunnerup siunertai ilaatigut ukuusut piviusunngortinneqarsinnaaneri Kommunit aningaasartorfiunissaata annertuumik suli ataqatigiissinneqarsinnaanerat suliassarujussuummat:

1. Innuttaasunik kiffartuussinerup pitsaanerulerlunilu uummarinerulernissaa.
2. Pisortat ingerlatsiviisa innuttaasunut qaninnerulernissaat.
3. ataqatigiiaartumik aningaasaqarnikkut pilersaarusiorsinnaanerulernissaq
4. innuttaasut assigiiarnerusumik sullinneqalersinnaanerat.